

დადგენილება #ე.პ. 0469-20  
გაფრთხილების სახით ადმინისტრაციული სახდელის  
დადების შესახებ

თბილისი

19 ნოემბერი 2020

1. დადგენილების გამომტანი ორგანო (თანამდებობის პირი):

ს/ს „ენერგო-პრო ჯორჯიას“ სამართლებრივი უზრუნველყოფის განყოფილების იურისტი -  
ნინელი ბოჭორიშვილი

2. საქმის განხილვის თარიღი: 2020 წლის 19 ნოემბერი

3. ცნობები პირის შესახებ, რომლის მიმართ განიხილება საქმე:

შპს „ემ-ერ ჯგუფი“

. მდებარე: იურიდიული მისამართი -- მცხეთის რაიონი, სოფელი საგურამო, მე-20 ქუჩა #11

საიდენტიფიკაციო კოდი #436044031

ფაქტობრივი ადგილსამყოფელი:

4. საქმის განხილვისას დადგინდა შემდეგი გარემოებები:

მიმდინარე წლის 16 ნოემბერს სოფელ საგურამოში, აბონენტ #4110504461 აღრიცხვის კვანძის დათვალიერებისას აღმოჩნდა, რომ შპს „ემ-ერ ჯგუფი“ ელ.ენერგიას მოიხმარდა C ფაზიდან, კაბელის კვეთია 25 მილიმეტრ კვადრატი, შემოწმებისას სადენში დენი არ გადიოდა, მრიცხველის გვერდის ავლით ადერტებული იყო ქვის სამტეხლო (სამი ძრავი). ადგილი ჰქონდა ელ.ენერგიის დატაცებას. ადმინისტრაციული სამართალდარღვევის #009004 ოქმს ხელი მოაწერა შპს „ემ-ერ ჯგუფი“-ს წარმომადგენელმა, დირექტორმა რამაზ ბიჩინგაურმა, რომელმაც აღიარა სამართალდარღვევის ჩადენის ფაქტი და განმარტა, ობიექტს შეუწყდა ძაბვის მიწოდება, აღნიშნულის შესახებ კომპანიას

სს „ენერგო-პრო ჯორჯია“

შეტყობინა ცხელი ხაზის მეშვეობით, თუმცა გადაწყვიტა თავად აღედგინა ელ.ენერგიის მიწოდება და თვითნებურად დააერთა სადენი, არ იცოდა, რომ აღნიშნული წარმოადგენდა სამართალდარღვევას. საქმეში წარმოდგენილია 16.11.2020წ შედგენილი აღრიცხვის კვანძის შემოწმება-მიღების აქტი #709243, სადაც ასევე აღნიშნულია, რომ აბონენტს მრიცხველის გვერდის ავლით მიეწოდებოდა ძაბვა, დამწვარი იყო C ფაზის მომჭერი, ასევე მრიცხველის ქვედა ხუფს არ ქონდა ლუქი, ადგილი ჰქონდა აღრიცხვის კვანძში თვითნებურ ჩარევას, A და B ფაზიდან მოხმარებული ელ.ენერგია აღრიცხებოდა მრიცხველით. შპს „ემ-ერ ჯგუფი“-ს მიერ ელექტროენერგიის დატაცება წარმოადგენს პირველ შემთხვევას, რაც დასტურდება შსს საინფორმაციო-ანალიტიკური დეპარტამენტის საინფორმაციო ცენტრის მიერ 2020 წლის 19 ნოემბერს ელექტრონულად გამოგზავნილი ინფორმაციით. საქმეს ასევე ერთვის ფაქტის ამსახველი ფოტო და ვიდეო მასალა. შპს „ემ-ერ ჯგუფი“-ს წარმომადგენელს ეცნობა საქმის განხილვის დროისა და ადგილის თაობაზე, თუმცა შეტყობინების ჩაბარებისას აღნიშნა, რომ სურდა ადმინისტრაციული სამართალდარღვევის საქმე განხილულიყო წარმომადგენლის დასწრების გარეშე. ამდენად, კომისია უფლებამოსილია განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (ადმინისტრაციული სამართალდარღვევის ოქმი; აღრიცხვის კვანძის შემოწმება-მიღების აქტი; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; ამონაწერი სამეწარმეო რეესტრიდან; ფოტო და ვიდეო მასალა; შეტყობინება.), რომელთა მეშვეობითაც დგინდება შპს „ემ-ერ ჯგუფი“-ს მიერ ადმინისტრაციულ სამართალდარღვევათა კოდექსის 96<sup>1</sup> მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელექტროენერგიის დატაცება. სამართალდარღვევის ოქმი შედგენილია ასკ 240-ე მუხლის მოთხოვნათა დაცვით. დაცულია ადმინისტრაციული სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების ორთვიანი ვადა.

5. ადმინისტრაციული სამართალდარღვევის საქმის განხილველმა კომისიამ იხელმძღვანელა საქართველოს ადმინისტრაციულ სამართალდარღვევათა კოდექსის 96<sup>1</sup> მუხლის პირველი ნაწილით; მე-10; 38-ე; 236-ე; 240-ე; 228<sup>2</sup>-ე მუხლებით; 266-ე მუხლის მე-4 ნაწილით; სეიქის 12.08.10 #14 და 18.09.08 #20 დადგენილებით; ს/ს „ენერგო-პრო ჯორჯიას“ გენერალური დირექტორის 17.09.10 RU #2010009 წესით, 26.06.19 or #2019034 ბრძანებით და

სს "ენერგო-პრო ჯორჯია"

დავადგინე:

6. შპს „ემ-ერ ჯგუფი“ (ს/კ 436044034) ცნობილ იქნეს ადმინისტრაციულ სამართალდამრღვევად ა.ს.კ. 96<sup>1</sup> მუხლის 1-ლი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი – გაფრთხილების სახით.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას 15000 ლარის ოდენობით.

8. დადგენილება შეიძლება გასაჩივრდეს მისი ჩაბარებიდან/საჯაროდ გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: თბილისი, მიცკევიჩის ქ.#19).

9. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი:

უფლებამოსილი პირის ხელმოწერა:

კომისიის თავმჯდომარე:  
ნინელი ბოჭორიშვილი

